



ՀԱՍՏԱՏՈՒՄ ԵՄ՝

Շրջակա միջավայրի նախարար

Հակոբ Սիմիդյան

« 10 » 11 2023թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 0200-23

Ձեռնարկողը՝

«ԱՎԱԶ-1» ՍՊԸ

Արմավիրի մարզ, ք. Վաղարշապատ, Նավասարդյան փ., 6

Գործունեությունը՝ Արմավիրի մարզի Գեփաշենի ավազակոպճային խառնուրդի հանքավայրի Արևելյան տեղամասի օգտակար հանածոյի արդյունահանման նպատակով երկրաբանական ուսումնասիրության շրջակա միջավայրի վրա ազդեցության նախնական գնահատման հայր Արմավիրի մարզ

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պարտականությունները կատարող՝



Խաչիկ Մարտիրոսյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 02 00-23

< 10 > Հոկտեմբեր 2023թ.

Արմավիրի մարզի Գետաշենի ավազակոպճային խառնուրդի հանքավայրի Արևելյան տեղամասի օգտակար հանածոյի արդյունահանման նպատակով երկրաբանական ուսումնասիրության շրջակա միջավայրի վրա ազդեցության նախնական գնահատման հայտ

Ձեռնարկող՝

«ԱՎԱԶ-1» ՍՊԸ

Ներկայացված նյութեր՝

Շրջակա միջավայրի վրա ազդեցության
նախնական գնահատման հայտ
/Գ կատեգորիա/

Գտնվելու վայրը՝

Արմավիրի մարզ, Մեծամոր համայնք
Գետաշեն բնակավայր

Ներածական մաս Գետաշենի ավազակոպճային խառնուրդի հանքավայրի Արևելյան տեղամասը գտնվում է Արմավիրի մարզի Մեծամոր համայնքի Գետաշեն բնակավայրի վարչական տարածքում, Արաքս գետի ձախ ափին, ՀՀ պետական սահմանի հարևանությամբ, ընդգրկում է Արաքս գետի ավազանն ու զբաղեցնում է 31.02հա տարածք։ Մոտակա բնակավայրերն են Գետաշեն, Բերքաշատ, Շենավան և Նոր Կեսարիա բնակավայրերը։

Հայցվող արևելյան տեղամասի տարածքը ներկայացված է գյուղատնտեսական նպատակային նշանակության այլ գործառնական նշանակության հողերով։

«Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի 2-րդ կետի ա. ենթակետի համաձայն, նախատեսվող գործունեությունը հանդիսանում է Գ կատեգորիայի գործունեության տեսակ։

Նկարագրական մաս. Օգտակար հանածոյի որակական հատկանիշները պետք է համապատասխանեն «Խիճ շինարարական աշխատանքների համար» 8268-82, «Խիճ լեռնային ապարներից շինարարական աշխատանքների համար» 23845-86, «Խիճ կոպճից շինարարական աշխատանքների համար» 10260-82 և ավազի «Ավազ շինարարական աշխատանքների համար» 8736-2014 ГОСТ-երի տեխնիկական պահանջներին։





Նախատեսվում է կատարել օգտակար հանածոյի ֆիզիկամեխանիկական փորձարկումներ, քիմիական և միներալապետրոգրաֆիական ուսումնասիրություններ:

Նախքան լաբորատորիա ուղարկելը նմուշները տեղում կենթարկվեն մշակման:

Հանուկային նմուշները համարակալվում և դասավորվում են հատուկ արկղներում, ապա ուղարկվում լաբորատորիա լրիվ ծրագրով ֆիզիկամեխանիկական փորձարկումների համար:

համար:
Ակոսային նմուշների մշակումը կկատարվի հետևյալ կերպ՝ նմուշարկված ամբողջ ԱԿԽ-ի կուտակը կլցվի բրեզենտե փովածքի վրա, կխառնվի և միանգամյա կրճատման միջոցով կհասցվի 15կգ, որը և կկազմի շարքային նմուշի նյութը: Վերջինս կլցվի առանձին պարկերի մեջ, կպիտակավորվի և նոր միայն կուղարկվի լաբորատորիա լրիվ ծրագրով ֆիզիկամեխանիկական փորձարկումների համար:

Հետախուզվող տարածքում ինժեներաերկրաբանական և հիդրոերկրաբանական պայմանների պարզաբանման նպատակով նախատեսվում է կատարել համապատասխան դիտարկումներ՝ ջրաբեր հորիզոնների և գեոդինամիկ երևույթների առկայությունը պարզաբանելու համար:

Տեղամասի տարածքում և անցած հետախուզական փորվածքներում СРП-68-01 (N596) ռադիոչափիչ սարքով նախատեսվում է չափել ավազակոպճային կուտակի ռադիոակտիվությունը:

Կկառուցվի 16 հորատման հրապարակ, յուրաքանչյուրը 35մ² մակերեսով: Ընդհանուր մակերեսը կկազմի՝ 16x35= 560.0մ²

Ռեկուլտիվացիայի ենթակա ընդհանուր մակերեսը տեղամասում կազմում է՝ 614մ², այդ թվում՝ հորատիրապարակներ՝ 560մ², հետախուզահորեր՝ 54մ²: Ռեկուլտիվացիայի ընդհանուր գումարը կկազմի 219286 ՀՀ դրամ:

Շրջակա միջավայրի բաղադրիչների վրա վնասակար ազդեցության մեղմացման/վերացման նպատակով նախատեսվում են հետևյալ բնապահպանական միջոցառումները.

Արժեքահարումները.
 -նավթամթերքների պահեստավորում և պահում արտադրական հրապարակում, հատուկ հատկացված տեղում(բացօթյա, կամ ծածկի տակ պահեստ), ինչին տրվում է համապատասխան թերություն, ինչն ապահովում է թափված նավթամթերքների հոսքը դեպի այն հավաքող բետոնապատված փոսը:

- Արտաթորվող թունավոր նյութերի չեզոքացուցիչ սարքերի տեղադրում:

-Փոշենաստեցման նպատակով ճանապարհների ինտենսիվ ջրում տարվա չոր և շոգ եղանակներին:

-Կեղտաջրերի հավաքում հորատի պ զուգարանում, որը հետագայում դատարկում են հատուկ ծառայության ուժերով:

-Արաքս գետի ջրերի վրա ազդեցությունների բացառում, աշխատանքների դադարեցում, գետի վարարման շրջանում:

-Կենցաղային աղբի հավաքում հատուկ անթափանց պոլիէթիլենային տոպրակների մեջ (մինչև 35լ տարողությամբ), ընկերության սեփական ավտոտրանսպորտով տեղափոխում մոտակա աղբավայր: Տեղական ինքնակառավարման մարմինների հետ կկնքվի պայմանագիր:

ՓՈՐՁԱՔՆՆԱԿԱՆ ՀԻՄՆԱՎՈՐՈՒՄՆԵՐ



Փորձաքննական գործընթացում ստացվել է կարծիք, համաձայն ինչի՝ ներկայացված կոորդինատներով հայցվող տարածքը (մակերեսը՝ 31.02հա) հարում է ՀՀ պետական սահմանի վրա տեղակայված ինժեներատեխնիկական կառույցներին և նախատեսվող գործունեությունը հետագայում կարող է բացասական ազդեցություն ունենալ ՀՀ պետական սահմանի պահպանության վրա:

Ելնելով վերոգրյալից «Ավագ-1» ՍՊԸ-ի կողմից հայցվող տարածքում նախատեսվող աշխատանքների իրականացումը նպատակահարմար չէ:

Ստացվել է կարծիք նաև, որ հայցվող տարածքում հանդիպում են կենդանիների Կարմիր գրքում գրանցված հետևյալ տեսակները.

- Բզակտուց (*Recurvirostra avosetta*)՝ կարգավիճակը Հայաստանում խիստ հազվագյուտ, սակավաթիվ տեսակ է: Տեսակն ընդգրկված է ԲՊՍՄ Կարմիր ցուցակում (ver. 3.1) «Least Concern» կարգավիճակով: Բնության պահպանության միջազգային միության Կարմիր ցուցակի չափորոշիչներով գնահատվում է որպես «խոցելի»՝ VU D1:

- Սովորական ֆլամինգո (*Phoenicopterus roseus* Pallas)՝ կարգավիճակը անհետացող տեսակ է: Գրանցված է նախկին ԽՍՀՄ Կարմիր գրքում: Տեսակն ընդգրկված է ԲՊՍՄ Կարմիր ցուցակում (ver. 3.1) «Least Concern» կարգավիճակով: Բնության պահպանության միջազգային միության Կարմիր ցուցակի չափորոշիչներով գնահատվում է որպես «Տվյալների անբավարարություն» կատեգորիա՝ DD:

Վերոնշյալ տեսակների, դրանց պահպանության միջոցառումների վերաբերյալ, ընկերությունը նախնական գնահատման հայտում տեղեկատվություն չի ներկայացրել:

Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, կրթության, գիտության, մշակույթի և սպորտի, ներքին գործերի, նախարարությունները, կադաստրի կոմիտեն, ինչպես նաև Արմավիրի մարզպետարանը:

Օրենսդրությամբ սահմանված կարգով, փորձաքննության փուլերում, Արմավիրի մարզի Մեծամոր խոշորացված համայնքի Գետաշեն բնակավայրում անցկացվել է հանրային քննարկում:

ԵԶՐԱՓԱԿԻՉ ՄԱՍ

Արմավիրի մարզի Գետաշենի ավազակոպճային խառնուրդի հանքավայրի Արևելյան տեղամասի օգտակար հանածոյի արդյունահանման նպատակով երկրաբանական ուսումնասիրության շրջակա միջավայրի վրա ազդեցության նախնական գնահատման հայտի վերաբերյալ տրվում է փորձաքննական բացասական եզրակացություն:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխ. մասնագետ՝  Հովիկ Մեսրոպյան

